



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ephesini Concilii Generalis Pars III. Sub Cælestino papa I. anno CCCCXXXI.

Parisiis, 1644

Aliud, de virga Moysis. Cap. XV.

urn:nbn:de:hbz:466:1-15241

obumbrantes pennis suis super propitiatorium; & vultus eorum adiun-
cem respicientes propitiatorium erunt. Ænigma certissimum id sit,
Deum Verbum etiam in humanitate Deum mansisse, & in sua gloria
& maiestate, etsi propter dispensationem factus sit similis nostri.
Propitiatorium namque per fidem factus est nobis Emmanuel. Id au-
tem nobis comprobauit sapientissimus Ioannes dicens: *Filioli, hæc
scribo vobis, ut non peccatis: sed & si quis peccaverit, consolatorem ha-
bemus apud Patrem, Jesum Christum iustum, & ipse est propitiatio pro
peccatis nostris.* Nec non etiam Paulus: *Quem proposuit, inquit, Deus
propitiatorem in fide in suo sanguine.* Ceterum cerne cherubim cir-
cumstantia propitiatorium, superobumbrantia quidem pennis, con-
uersa autem ad propitiatorium, & pene nutui dominico oculum in-
tendentia. Dei enim voluntatem tantum respicit sancta cælestium
spirituum multitudo, & nunquam Dei satiatur aspectu. Ita Filium
propheta Isaías vidisse se dicit in sede altissima & eminentissima, cir-
cumstantibus seraphim, & obsequentibus ei vt Deo.

Aliud, de virga Moysis. CAP. XV.

Exod. 3. DESTINABATVR aliquando diuinus Moyses, vt Israel ab Aegy-
ptiorum violentia liberaret; verum quoniam necesse erat, eos
qui sub iugo essent seruitutis insolitæ, prius doceri quod Deus iam
esset reconciliatus, prodigia eum facere imperabat. Plerumque enim
miraculū nos adducit in fidem. Ait igitur Moyses ad Deum omnipo-
tentem: *Si autem non crediderint mihi, neque obaudierint vocem meam,
dicentes: Non apparuit tibi Deus; quid dicam illis?* Dixit deinde Do-
minus: *Quid est hoc, quod est in manu tua?* Respondit: *Virga.* Et ait
illi: *Proice illam in terram.* Et facta est serpens, & fugit Moyses ab eo.
*Et dixit Dominus ad Moysen: Extende manum tuam, & apprehendo
caudam.* Et facta est virga in manu eius. *Et dixit illi: Ut credant tibi,*
quia apparuit tibi Dominus Deus patrum ipsorum, Deus Abraham, &
Deus Isaac, & Deus Jacob. Animaduerte in his natura & veritate
Filiū Dei, tamquam si quedam virga sit Patris. Virga autem insi-
gne est regni. In Filio enim habet omnium potestatem. Denique
etiam diuinus Dauid: Thronus tuus, inquit, Deus in seculum seculi;
& virga equitatis, virga regni tui. Sed eam proiecit in terram,
id est, corpore terreno circumdedit, siue per humanitatem misit in
terram. Tunc enim in similitudinem factus est malignorum homi-
num scilicet. Malignitatis autem signum est serpens. Quod autem
verum sit, hinc describitur. Ipse enim Dominus noster Iesus
Christus, in imaginem & figuram dispensationis factus cum carne,
pro serpente accipitur æneo, quem erexit Moyses: *Et sicut, inquit,*
Moyses exaltauit serpentem in deserto, ita exaltari oportet filium ho-
*minis: ut omnes qui credunt in ipsum non pereant, sed habeant vitam
eternam.* Quemadmodum enim serpens factus ex ære, salutis erat
periclitantibus causa; (sanabantur enim in eum respicientes) eo-
dem modo etiam Dominus noster Iesus Christus eis qui eum vi-
dent quidem in similitudine malignorum, eo quod factus sit homo,

Num. 21.
Ioan. 3.

ANNO CHRISTI 431. non ignorant tamen quod Deus sit viuificus, causa erit vitæ, & dat posse animalia venenosa vitare, id est, contrarias potestates. Id quoque huius rei figura sit, quod Moysis virga alias deuoraret, quas in terram magi proiecerant. Igitur virga quidem in terram projecta est, non tamen serpens remansit: resumpta autem, fuit quod erat. Nam licet facta sit, ut ante dixi, in similitudine nostra Patris virga, id est Filius, per quem habet omnium potestatem; haec tamen impleta dispensatione reuolauit in cælum, & fuit iterum tamquam in manu Patris, virga æquitatis ac regni. Sedet enim ad dexteram Genitoris Psal. 44.
Marc. 16.

Alind, de manu Moysis leprosa, & integre sanata.

CAP. XVI.

DIXIT autem ad eum iterum Dominus Deus: Iterum infer manum tuam in sinum tuum. Et intulit manum in sinum suum; & protulit manum de sinu suo; & facta est manus eius tamquam nix. Et dixit iterum: Infer manum tuam in sinum tuum. Et intulit manum in sinum suum; & protulit eam de sinu suo, & iterum restituta est in colorem carnis sua. Manum & dexteram Dei & Patris, Verbum & Filium eius diuina scriptura nominat. Induxit enim ipsum dicentem: *Ego enim manus mea firmaui cælum.* Nec non etiam David diuinus cantat: *Verbo psalm. 32.* Domini celi firmati sunt. Cerne igitur, in sinu quidem Moysis adhuc manum eius occultari, & nondum factam leprosam, prolatam vero & statim leprosam factam; deinde mox illatam, & rursus prolatam, & de cetero non leprosam. Restituta est enim, inquit, in colorem carnis eius. Ergo quamdiu quidem erat in sinu Patris Deus Verbum, diuinitatis natura fulgebat: verum quoniam aliquo modo extra fuerat per incarnationem, siue * inhumanationem; *Factus est in similitudine carnis peccati, & inter iniquos reputatus est.* Ait enim diuinus Paulus: *Eum qui peccatum non nouerat, pro nobis peccatum fecit, ut nos fieremus iustitia Dei in ipso.* Hoc existimo lepra significari. Immundus enim secundum legem leprosus. Sed quoniam iterum fuerit in Patris sinu (assumptus enim post resurrectionem a mortuis) prolata iterum manus videbitur munda. Adueniet enim, adueniet per tempora Dominus noster Iesus Christus in sinceritate diuinitatis & gloriæ, quamvis similitudinem nostram non proiecerit. Ait enim & beatus Paulus de Christo: *Quia semel mortuus est ad multorum exhaurienda peccata, secundo sine peccato apparebit expectantibus se, in salutem.* Ergo quoties nobis sacrae literæ nominant Christum Iesum, ne hominem seorsum putaueris non vere adunatum ipsi Deo Verbo: sed existimaueris magis ipsum esse ex Deo & Patre Verbum Iesum Christum, cum factus sit homo.